



歲時廣記序

國朝

大清

有天之時有人之時寒暑之推遷此時之運於天者也曆書所載蓋莫詳焉至於因某日而載某事此時之係於人者端千緒萬非託之紀述則莫能探其源委耳噫慶道長於一陽之生謹履端於一歲之始是蓋天事人事之相參尤有可據彼仲夏之重五季秋之重九豈天之烝候然也而人實爲之使微考訂就知競渡之繇楚靈均登高之因費長房乎引類而伸若此者眾雖然荆楚歲時之記善矣惜乎失之拘也秦唐歲時之所記多矣惜乎未之備也今南潁陳君蒐獵經傳以至野史異書凡有涉於節序者萃爲巨帙殆靡一遺仰以稽諸天時俯以驗之人事題其篇端曰歲事廣記求予文而序之予惟陳君嘗編博聞三錄盛行於世況此書該而不冗雅而不裡自當與並傳於無窮云

宣毅郎特差知無爲軍巢縣事兼理武民兵軍正總轄屯戍兵馬借緋新安朱鑑撰


歲時廣記引

太平惠民和劑局監門道山

識貴乎博書患乎略故入鄧林則知杞梓之良
闕武庫則識甲兵之富此太平時祖所以廣其
記也然或記錄雖詳而採擇之未精或條目雖
備而顛末之多舛覽者病焉龜峯之麓梅谿之
灣有隱君子廣寒之孫涕唾功名金玉篇籍採
九流之芳潤擷百氏之英華輔以山經海圖神
錄怪牒窮力積稔萃成一書目曰歲時廣記搜
節物之異聞考風俗之攸尙手編心緝博而不
煩補白孔之或遺續晏曾之未備亦後來雜家
者流之奇書也誠使操觚之士得之非特可施
於竿櫝之貽抑且具助於江山之咏至於芳辰
麗景懷古感今江心鏡之徵敷於散之辨隨叩
隨應取之不窮當有發久不見異人必有得異
書之歎者矣其有詢故實則筆閣而不書質異
聞則口呿而不對此記問不廣之由故書不負
人而人負書

文林郎新得行在太平惠民和劑局監門道山

居士劉純君錫撰



居士劉純君錫撰

歲時廣記目錄

廣寒僊裔陳

元靚

編

首卷

尺圖說

月令土屬大全 春季氣數悉備 夏季氣數悉備 秋季氣數悉備 冬季氣數悉備 爾雅十幹歲陽 十二月名 氣候循

卷第一

春

環易見 日永短 月盈虧 經星昏明迭見 閏月成歲為章 玉衡隨烝指建 招搖逐月推移 日月交會 陰陽消長 律呂損益相生

卷第二

夏

冬

卷第三

秋

冬

卷第四

冬

冬

卷第五

元旦上

元旦上

卷第六

元旦中

元旦中

卷第七

元旦下

元旦下

卷第八

圖立春

圖立春

卷第九

人日

人日

卷第十

上元上

上元上

卷第十一 上元中

卷第十二 上元下

卷第十三 正月晦 中和節

卷第十四 二社日

卷第十五 寒食上

卷第十六 寒食下

卷第十七 清明

卷第十八 上巳上

卷第十九 上巳下

卷第二十 佛日

卷第二十一 端五上

卷第二十二 端五中

卷第二十三 端五下

卷第二十四 朝節 天貺節

卷第二十五 三伏節 立秋

卷第二十六 七夕上

卷第二十七 七夕中

卷第二十八 七夕下

卷第二十九 中元上

卷第三十 中元下

卷第三十一 中秋上

卷第三十二 中秋中

卷第三十三 中秋下

卷第三十四 重九上

卷第三十五 重九中

卷第三十六 重九下

卷第三十七 小春 下元

卷第三十八 冬至


卷第三十九 臘日 交年節

卷第四十 歲除

末卷 總載

圖說

月令主屬大全圖



禮記月令注云仲春之月盛德在木故所主皆木屬也仲夏之月盛德在火故所主皆火屬也仲秋之月盛德在金故所主皆金屬也仲冬之月盛德在水故所主皆水屬也惟土居中央而分旺四時故所主皆土屬也

梁元帝纂要

春曰青陽氣清而溫陽亦

曰發生芳春青春陽

春三春九春天曰蒼

蒼萬物蒼蒼而生風曰陽風

春風暄風柔風惠風

景曰媚景和景韶景

時曰良時嘉時芳時

辰曰良辰嘉辰芳辰

節曰嘉節韶節淑節

草曰芳草弱草芳卉

木曰華木華樹芳樹

陽樹林曰茂林芳林

鳥曰陽鳥時鳥候鳥

好鳥禽曰陽禽時禽

好禽

夏曰朱明氣赤而光

亦曰長贏朱夏炎夏

三夏九夏天曰昊天

言氣浩茫風曰炎風節曰

炎節草曰茂草雜草

木曰蔚林茂林密樹


茂樹



圖



圖




秋曰白藏氣白而收藏萬物亦曰收成萬物成而皆收斂三秋九秋素秋素商高商天曰旻天旻愍也愍萬物之彫零 風曰商風素風淒風高風涼風悲風激風清風景曰明景澄景清景時曰凄辰霜辰節曰素節嘉節草曰衰草木曰疎木衰林霜柯英氣黑而清英三





冬九冬天曰上天時無事在上風曰寒風勁風嚴風厲風哀風陰風景曰冬景寒景時曰寒辰節曰嚴節鳥曰寒鳥寒禽草曰寒卉黃草木曰寒木寒柯素木寒條



爾雅疏釋曰此別太陽在日在辰之名也
甲至癸為十日日為陽寅至丑為十二辰辰為陰漢書律歷志乃以前歷上元泰初四千六百一十七歲至元封七年復得闕逢攝提格之歲中冬孟康曰言復得者上元泰初時亦是闕逢之歲歲在甲曰闕逢在寅曰攝提格此謂甲寅之歲也然則乙



卯之歲曰旃蒙單闕丙辰之歲曰柔兆執徐丁巳之歲曰疆圉大荒落戊午之歲曰著雍敦牂己未之歲曰屠維協洽庚申之歲曰上章涒灘辛酉之歲曰重光作噩壬戌之歲曰元默闔茂癸亥之歲曰昭陽大淵獻甲子之歲曰闕逢困敦乙丑之歲曰旃蒙赤奮若推此周而復始可知也




爾雅疏釋此乃辨以日配月之名設若正月得甲曰畢限二月得乙曰橋如三月得丙曰修窮四月得丁曰圍余五月得戊曰厲畢六月得己曰則且七月得庚曰室相八月得辛曰塞壯九月得壬曰終亥十月得癸曰極陽十一月得甲曰畢辜十二月得乙曰橋涂周而復始抑又可知也

容齋隨筆太史公歷書以闕逢為焉逢旃蒙為端蒙柔兆為游兆疆圉為疆梧著雍為徒維屠唯為祝犁上章為商橫重光為昭陽元默為橫艾昭陽為尙章大荒落為大芒落協洽為汁洽涖灘為赤奮若作噩為作鄂閭茂為淹茂大淵獻與困敦更互赤奮若乃為芮漢此年久傳說不必深辨

氣候循環易見圖

尚書正義曰節氣者周天三百六十五日四分日之一分爲十二月則月各得二十日十六分日之七以初爲節氣半爲中氣故一歲有二十四氣分居辰次焉



董巴議曰伏犧造八卦作三畫以象二十四氣一行卦候驗曰七十二候原於周公較諸月令頗有增損然後先之次則同自後魏始載於曆乃依易軌所傳不合經義令改從古凡五日爲候三候爲氣六氣成時四時成歲

淮南子曰日出於暘谷浴於咸池拂於扶桑是謂晨明登於扶桑之上東方野爰始將行是謂朏明謂將也至于曲阿曲阿山名是謂朝明臨於會泉東方水名是謂早食謂正食於桑野是謂晏食謂正食臻於衡陽是謂禺中對於昆吾在南方是謂正中糜於鳥次西南方山名是謂小遷至於悲谷悲谷方之山名是謂脯時

日出
日沒
永短
之圖

三	未	丁	午	丙	巳	三
申	極動					申
庚	東極					酉
酉						北極
辛	極北					辛
亥	壬	子	癸	丑	三	

十四日日出此地

十月十日日出此地
十一月九日日出此地
十二月八日日出此地
正月七日日出此地
二月六日日出此地


十四日日出此地

荆璣集云日之行也自冬至夜半而發乎南陸西陸至春分乃進乎南陸而為夏則去極近而日於是永矣自夏至日中而斂北歷東陸而秋分退北陸而為東則去極遠而日短矣

迴於女紀西方陰地是謂大遷經於泉隅是謂高春頓於連石西方山名是謂下春爰止羲和爰息六螭是謂懸車薄於虞泉是謂黃昏淪於蒙谷是謂定昏梁元帝纂要云日光曰景日影曰晷日初出曰旭日昞曰晞在午曰亭午在未曰昃日晚曰旰日西落反照於東景在上曰反景在下曰倒景

爾雅釋名曰月闕也言滿則復缺也朏音裴月未成明也魄月始生魄然也承大月生三日謂之朏朔月初之名也朔蘇也月死復蘇生也晦月盡之名也晦灰也死為灰月光盡似之也弦月半之名也其形一旁曲一旁直若張弓弦也望月滿之名也日月遙相望也


月生月盡 盈虧之圖



尚書武成曰惟一月壬辰旁死魄旁近也旁死魄近死魄又曰厥四月哉生明哉始也月生明又曰既生魄魄生明死又大傳曰晦而月見西方謂之朏他朔而月見東方謂之朏切五經通義曰月中有兔與蟾蜍何兔陰也蟾蜍陽也而與兔並明陰係陽也

堯典疏曰二十八宿隨天轉運更互在南每月各有中者
 洪範四曰星辰注云二十八宿迭見以敘節氣疏云二十
 八宿昏明迭見若月令十二月皆紀昏旦所中之星所以
 敘節氣也隋書天文志云庖犧氏仰觀俯察以天之二十
 八宿周於圓穹之度以麗十二位也隨天而轉謂之經星


經星昏明迭見之圖



堯典四仲迭見之星則以午為正月令昏旦迭見之星則
 以未為中蓋星之運始則見於辰終則伏於戌自辰至戌
 正於午而中於未故堯典言日永星火以正仲夏是以午
 為正也月令至於季夏乃曰昏火中則是以未為中左傳
 曰火星中而寒暑退詩曰定之方中亦皆以未中也

先王體元以居正順時以授民是必迎日以推策之啟閉
 以為節分至以為中推閏定時以成歲以周天之數攷之
 三百六十五度四分度之一日之行也一日經一度一年
 則餘五度四分度之一小月又餘六度則每歲日行於天
 餘十有一度四分度之一是餘十有一日四分日之一也

閏月成歲為章之圖



三年即餘三十三日四分日之三三年一閏而餘三百四
 分日之三歲再閏而少三日四分日之三十九年七閏
 謂之一章總餘二百一十三日四分日之三七閏計二百
 十一日尚餘三日四分日之三積至八十一章然後盈虛
 之數終而復始矣


玉衡隨炁指建圖




孝經緯大雪後玉衡
 指子冬至指癸小寒
 指丑大寒指艮立春
 指寅雨水指甲驚蟄
 指卯春分指乙清明
 指辰穀雨指丙立夏
 指巳小滿指巽芒種
 指午夏至指丁小暑
 指未大暑指坤立秋
 指戌處暑指庚白露
 指酉秋分指辛寒露
 指戌霜降指乾立冬
 指亥小雪指壬大雪

漢志云玉衡北斗也


招搖逐月推移圖



淮南子孟春招搖指
 寅仲春指卯季春指
 辰孟夏指巳仲夏指
 午季夏指未孟秋指
 申仲秋指酉季秋指
 戌孟冬指亥仲冬指
 子季冬指丑漢志云
 閏月無中炁斗餘指
 兩辰之間漢晉志云
 北斗七政之樞機陰
 陽之本元運乎天中
 而臨制四方以建四
 時輔星傳乎閭陽所
 以佐斗成功者也




堯典曰歷象日月星辰敬授人時注云日月所會歷象其分節是謂日月交會于十二次也左傳云日月之會是謂辰月命注云日月之行一歲十二會蓋周天三百六十五度四分度之一日行遲一日經一度一歲一周天月行速一日經十三度一月一周天更行二十九日半方與日相會也




太玄經子則陽生於十一月陰終於十月午則陰生于五月陽終於四月觀此則乾坤消息可見矣陽生於子而終於巳故乾為四月之卦陰生於午而終於亥故坤為十月之卦蓋陰不極則陽不生故先坤而後復陽不極則陰不萌故先乾而後垢餘皆以意推之則陰陽消長之理又可知矣

律管淺深候氣圖



隋天文志候氣之法
先治一室令地極平
迺埋列管皆使上齊
入地有淺深各從其
方位排列以葭葶灰
實管中候之氣至則
一律飛灰假如冬至
陽氣距地面九寸而
至惟黃鐘一管達之
故黃鐘為之應正月
距地面八寸止自太
簇以上皆達黃鐘大
呂皆已虛故惟太簇
一律飛灰餘皆倣此

律呂損益相生圖



荆璞集曰律以統氣
類物呂以旅陽宣氣
律呂者氣候之管也
以銅為之某月氣至
則某律為應焉應謂吹鼓
也然必隔八相生而
又始於黃鐘之九寸
而黃復始於十一月
者蓋物以三成聲以
五立以三參五而八
數成矣人以八尺而
為尋物以八竅而卯
生故十二律之音皆
隔八而成焉

歲時廣記卷第六 大寒節十五日

廣寒僊裔陳

元覲

編

春 春氣來天陳不轉就錄土氣天賦味同草木

孔子家語曰春者四時之首尚書大傳曰春

出也萬物之所出也禮記鄉飲酒曰東方曰

春春之為言蠢也淮南子曰春為規規者所

以圓萬物也規度不失生氣乃理前漢律歷

志曰少陽者東方東動也陽氣動物於時為

春春蠢也物蠢生乃動運木曲直仁者生生

卷一

者圓故為規也月令曰春三月其日甲乙其

帝太暉其神勾芒其蟲鱗其音角其數八其

味酸其臭羶其祀戶祭先肝

孟春月

禮記月令曰孟春之月日在營室昏參中旦尾

中律中太簇東風解凍蟄蟲始振魚上冰獺祭

魚鴻雁來天氣下降地氣上騰天地和同草木

萌動

孝經緯周天七衡六間曰大寒後十五日斗指

艮爲立春後十五日斗指寅爲雨水
劉歆三統曆曰立春爲正月節雨水爲正月
中氣雨水者言雪散爲雨水也

周書時訓曰立春之日東風解凍後五日蟄蟲始振後五日魚上冰雨水之日獮祭魚後五日鴻雁來後五日草木萌動白虎通德論曰正月律謂之太簇何太亦大也簇者湊也言萬物始大湊地而出也

晉樂志曰正月之辰謂之寅寅津也謂之物生

津途也

大戴禮夏小正曰正月啟蟄雉震响時有俊風滌凍塗田鼠出農及雪澤采芸柳稊梅杏柰桃則華

春秋隱公元年壬正月注云隱公之始年周王之正月也凡人君卽位欲其體元居正故不言

一年一月

玉燭寶典曰正月爲端月

梁元帝纂要曰正月曰孟陽孟陬止春開春發

春獻春首春首歲獻歲發歲初歲肇歲芳歲華
歲發歲發歲日做重白氣脈獻節日二尺也車
月令曰孟春行夏令則雨水不時草木早落國
時有恐行秋令則其民大疫疾風暴雨總至藜
莠蓬蒿並興行冬令則水潦爲敗雪霜大摯首
種不入

仲春月

月令曰仲春之月日在奎昏弧中旦建星中律
中夾鍾始雨水桃始華倉庚鳴鷹化爲鳩元鳥
至日夜分雷乃發聲始電蟄蟲咸動啟戶始出
孝經緯曰雨水後十五日斗指申爲驚蟄後十
五日斗指卯爲春分

三統歷曰驚蟄爲二月節春分爲二月中氣驚
蟄者蟄蟲驚而始出也

周書時訓曰驚蟄之日桃始華後五日倉庚鳴
後五日鷹化爲鳩春分之日元鳥至後五日雷
乃發聲後五日始電白虎通德論曰二月建律
謂之夾鍾何夾者孚也言萬物孚甲種類分也

晉樂志曰二月之辰名爲卯卯者茂也言陽氣生而孳茂也

夏小正曰三月祭鮪采蘩來降燕乃睇

淮南子曰二月之夕女夷鼓歌以司天和以長

百穀禽獸草木女夷春夏長養之神也江淹文

云春暉馭節女夷司景

纂要曰二月曰仲陽又曰令月張平子歸田賦

云仲春令月時和氣清

月令曰仲春行夏令則國乃大旱煖氣早來蟲

卷一

四

螟爲害行秋令則其國大水寒氣總至寇戎來
征行冬令則陽氣不勝麥乃不熟民多相掠

季春月

月令曰季春之月日在胃昏七星中旦牽牛中

律中姑洗桐始華田鼠化爲鴛

音如

虹始見萍始

生鳴鳩拂其羽戴勝降於桑

孝經緯云春分後十五日斗指乙爲清明後十

五日斗指辰爲穀雨

三統歷曰穀雨爲三月節清明爲三月中氣穀

雨者言雨以生百穀清明者謂物生清淨明潔
周書時訓曰清明之日桐始華後五日田鼠化
爲鴛後五日虹始見穀雨之日萍始生後五日
鳴鳩拂其羽後五日戴勝降於桑
白虎通德論曰三月律謂之姑洗何姑者故也
洗者鮮也言萬物皆去故就新莫不鮮明也
晉樂志云三月之辰名爲辰辰者震也謂時物
盡震動而長也

夏小正曰參則伏蟄

音解

則鳴鴈冰拂桐芭

紛風

卷一

五

詩曰蠶月條桑蠶月三月也吳民載詩云條風
著野方蠶月高樹移陰又麥秋唐百家詩曰蠶
月桑葉青鶯時柳花白

纂要曰三月曰暮春末春晚春

月令曰季春行冬令則寒氣時發草木皆肅國
有大恐行夏令則民多疾疫時雨不降山陵不
收行秋令則天多沉陰淫雨蚤降兵革並起

花信風

東臯雜錄江南自初春至初夏五日一番風候

謂之花信風梅花風最先棟花風最後凡二十四番以爲寒絕也後唐人詩云棟花開後風光好梅子黃時雨意濃徐師川詩云一百五日寒食雨二十四番花信風又古詩云早禾秧雨初晴後苦棟花風吹日長

條達風

易通卦驗立春條風至宋均注云條者條達萬物之風也唐太宗詩云條風開獻節灰律動初陽

卷一

六

榆莢雨

汜勝書三月榆莢雨高地強土可種秫

杏花雨

提要錄杏花開時正值清明前後必有雨也謂之杏花雨古詩沾衣欲濕杏花雨吹面不寒楊柳風又云楊柳杏花風雨外不知佳句落誰家晏元獻公詞云紅杏開時一霎清明之雨趙德麟詞云紅杏枝頭花幾許啼痕正恨清明雨

凌解水

風是表赫亦風是對氏二十

水衡記黃河水三月名凌解水

桃花水

水衡記黃河水二月三月名桃花水又顏師古漢書音義云月令仲春之月始雨水桃始華蓋桃方華時既有雨水川谷漲泮眾流盛長故謂之桃花水老杜詩云春岸桃花水又云三月桃花浪注曰峽中以三月桃花發時春水生謂之桃花水王摩詰詩云春來到處桃花水又歐陽公詩云桃花水下清明路

卷一

擊春曲

七

酉陽雜俎唐明皇好羯鼓云八音之領袖諸樂不可爲比嘗遇二月初詣旦巾櫛方畢時宿雨初晴景色明麗小殿亭前柳杏將吐覩而嘆曰對茲景物豈可不與他判斷乎左右相目將命備酒獨高力士遣取羯鼓旋命之臨軒縱擊一曲名春光好神思自得反顧杏花皆已發垢指而笑之謂嬪嬙內官曰此一事不喚我作天公可乎皆呼萬歲東坡詩云宮中羯鼓催花柳陳

簡齋詩云可是天公須羯鼓已圓寒馭作春酣
又六言云未央宮中紅杏羯鼓三聲打開

踏春歌

異聞錄邢鳳之子夢數美人歌踏陽春之曲曰
踏陽春人間二月雨和塵陽春踏盡秋風起腸
斷人間白髮人又酉陽雜俎云元和初有士人
醉臥廳中及醒見古屏上婦人悉於牀前踏歌
歌曰長安少女踏春陽無處春陽不斷腸舞袖
弓腰渾忘卻蛾眉空帶九秋霜又歌曰流水涓

卷一

八

涓芹長芽野鳥雙飛客還家荒村無處作寒食
殯宮空對棠梨花中一人問曰如何是弓腰歌
者曰首髻及地腰勢如規也士人驚叱之忽皆
上屏東坡詩云城上湖光煖欲波美人唱我踏
春歌又詹克愛春睡詩云覺後不知身是幻耳
根猶聽踏歌聲

夢春草

南史謝惠連年十歲能屬文族兄靈運嘉賞之
每有篇章對惠連輒得佳句嘗於永嘉西堂思

詩竟日不就忽夢見惠連而得池塘生春草之句大以爲平常云此語有神助非吾語也杜甫詩云詩應有神助東坡詞云酒闌詩夢覺春草滿池塘又詩云春草池塘夢惠連陳后山春夜詩云夢中無好語池草爲春生

皇朝東京移春檻

開元遺事楊國忠子弟春時移名花異木植檻中下設輪腳挽以綵繩所至自隨號移春檻

天寶遺事探春宴

卷一

九

天寶遺事都人士女每至正月半後各乘車跨馬俱帳於園圃或郊野中爲探春之宴

探春遊

皇朝東京夢華錄上元收燈畢都人爭先出城探春大抵都城左近皆是園圃百里之內並無闌地並縱遊人賞玩

天寶遺事楊氏子弟恃后族之貴極于奢侈每

春遊以大車結綵爲樓載女樂數十人自私第

聲樂前引出遊園苑長安豪民貴族爭倣之

天寶遺事長安貴家子弟每至春日遊宴供帳於園圃中隨行載以油幕或遇陰雨以幕覆之盡歡而歸

掛裙幄

唐輦下歲時記長安士女遊春野步遇名花則設席藉草以紅裙插掛以爲宴幄其奢侈如此

擲金錢

開元別紀明皇與貴妃在花萼樓下以金錢遠近爲限賽其無擲于地者以金觥賞之天寶遺事云內庭妃嬪每至春日各于禁中結伴擲金錢爲戲

駐馬飲

天寶遺事長安俠士每春日結朋約黨各置矮馬飾以錦鞮金絡並轡於花樹下往來使僕從執酒盃而從之遇好花則駐馬而飲

隨蝶幸

開元遺事開元末明皇每春時旦暮宴於宮中
使嬪妃輩爭插豔花帝親捉粉蝶放之隨蝶所
止幸之後貴妃專寵遂不復用此戲

天寶遺事長安王士安春時鬪花戴插以奇花
多者爲勝皆用千金市名花植于庭中以備春
時之鬪

插豔花鬪御花

天寶遺事長安春日盛於遊賞園林日無閒地

卷一

十一

蘇頌應制詩云飛埃結紅霧遊蓋翻青雲帝覽
詩嘉焉遂以御花插頰之中上時人榮之

取紅花

虞世南史略北齊盧士深妻崔林義之女有才
學春日以桃花醜面呪曰取紅花取白雪與兒
洗面作光悅取白雪取紅花與兒洗面作光華
取雪白取花紅與兒洗面作顏容

曲江春宴錄曲江貴家遊賞則剪百花裝成獅

子互相送遺獅子有小連環欲送則以蜀錦流蘇牽之唱曰春光且莫去畱與醉人看

探花使

秦中歲時記進士杏花苑初會謂之探花宴以少俊二人爲探花使徧遊名園若他人先折得名花則二使皆有罰中亦香俱以重頂

護花鈴

天寶遺事天寶初甯王少時好聲色風流蘊藉諸王弗如也每春日於後園中紐紅絲爲繩綴

卷一

十一

金鈴繫花梢之上有烏鵲翔集則令園吏掣鈴索以驚之號護花鈴

括花香

唐玉塵錄穆宗每宮中花香則以重頂帳蒙蔽檻外置惜春御史掌之號曰括香人亦括秦中效制臥花酒杏林會請之就宴以曲江春宴錄虞松方春以謂握月擔風且畱後日吞花臥酒不可過時去畱與人言

作紅餞

曲江春宴錄春遊之家以脂粉作紅餞竿上成
雙挑挂夾雜畫帶前引車馬

繫煎餅

拾遺記江東俗號正月二十日爲天穿日以紅
縷繫煎餅餌置屋上謂之補天穿李白詩云一
枚煎餅補天穿

釀梨春

白氏六帖杭州俗釀酒趁梨花時熟號梨花春

賜柳圈

唐書李適爲學士凡天子饗食遊豫惟宰相與
學士得從春幸梨園並渭水禊除則賜柳圈辟
癘

羹錦帶

荆湖近事荆渚中有花名錦帶其花條生如郁
李仁春末開花紅白如錦初生葉柔脆可食老
杜詩云滑憶雕胡飴香聞錦帶羹

憐草色

長慶集杭州春望詩誰開湖寺西南路草綠裙

腰一道斜自注云孤山在湖州中草綠時望如裙腰又東坡詩云春入西湖到處花裙腰芳草抱山斜王介甫詩云遙憐草色裙腰綠湖寺西南一徑開

望杏花

四民月令清明節令蠶妾理蠶室是月也杏花盛又云杏花生種百穀宋子京詩云催耕併及杏花時蜀主孟昶勸農詔云望杏敦耕瞻蒲勸穡王元長策秀才文云杏花菖葉畊穫不愆

卷一

十四

看菖葉

呂氏春秋冬至後五旬七日菖葉生蓋菖者百草之先生也於是始耕又云菖始生於是耕備光義詩云菖葉日已長杏花日已滋農人要看法此貴不違天時

種辰瓜

齊民要術三月辰日最宜種瓜山谷詩云夏栽醉竹餘千箇春糞辰瓜滿百區

栽雜木

汜勝書栽樹正月爲上時二月爲中時三月爲下時然棗雞口槐兔目桑蝦蟇眼榆負癩散其餘雜木鼠耳蛇起各其時凡種栽并插皆用此等形象

遊蜀江

杜氏壺中贊錄蜀中風俗舊以二月二日爲踏青節都人士女絡繹遊賞緹幕歌酒散在四郊歷政郡守慮有強暴之虞乃分遣戍兵於岡阜坡塚之上立馬張旗望之後乖岷公帥蜀迺曰

卷一

十五

慮有他虞不若聚之爲樂乃于是日自萬里橋以錦繡器皿結綵舫十數隻與郡僚屬官分乘之妓樂數船歌吹前導名曰遊江於是都人士女駢於八九里間縱觀如堵抵寶厯寺橋出讌于寺內寺前剏一蠶市縱民交易嬉遊樂飲倍於往歲薄暮方回

售農用

四川記同州以二月二日與八日爲市四方村民畢集應蠶農所用以至車檐椽木果樹器用

雜物皆至其值千緡至萬緡者郡守就子城之
東北隅龍興寺前立山棚設幄幕樂以宴勞將
吏累日而罷

鬻蠶器

樂誠文蠶市詩序云蜀人以二月望日鬻蠶器
謂之蠶市東坡先生詩云蜀人衣食常苦艱蜀
人行樂不知還十夫耕農萬夫食一年辛苦一
春閒閒時尚以蠶爲市共忘辛苦逐欣歡又張
仲殊詞云成都好蠶市趁遨遊夜放笙歌喧紫

卷一

十一

陌春邀燈火上紅樓車馬溢瀛洲人散後蘭館
喜綢繆柳葉已饒烟黛細柔條何似玉纖柔立
馬看風流

驗歲草

黃帝問師曠曰吾欲若樂善心可知否對曰歲
欲甘甘草先生薺是也歲欲苦苦草先生葶藶
是也歲欲雨雨草先生藕是也歲欲旱旱草先
生蒺藜是也歲欲流流草先生蓬是也歲欲惡
惡草先生水藻是也歲欲病病草先生艾是也

皆以孟春占之

占雨霧

占書正月朔雨春旱人食一升二日雨人食二升三日雨人食三升四日雨人食四升五日雨主大熟五日內霧穀傷民飢元日霧歲必飢

禳鬼鳥

荆楚歲時記正月夜多鬼鳥度家家槌牀打戶振狗耳滅燈火以禳之玄中記云此鳥名姑獲一名天帝女一名隱飛鳥一名夜遊女好取人女子養之有小兒之家卽以血點其衣以爲誌故世號鬼鳥荆湖彌多斯言信矣

飲雨水

本草三月雨水夫妻各飲一杯還房獲時有子神助也

去妖邪

西京雜記賈佩蘭云在宮中正月上辰出池邊盥濯食蓬餌以祓妖邪

辟官事

曆書二月上丑日取土泥蠶屋宜蠶上辰日取
道中土泥門應辟官事

照百鬼

荆楚歲時記正月未日夜蘆苕火照井厠百鬼
皆走

卷一

六



晉書

厭菘蕪和鹽五民未日交蘆苕火照井厠百鬼

照百鬼

中土泥門應辟官事

歲時廣記卷第一 郊土泥蠶屋宜蠶上辰日取

歲時廣記卷第二

廣寒僊裔陳小齋元靚日中編小

夏

禮記鄉飲酒曰南方曰夏夏之爲言假也養之長之假之仁也太玄經曰夏者物之修長也董仲舒策曰陽常居大夏以生育長養爲事淮南子曰夏爲衡衡者所以平萬物也前漢律歷志曰太陽者南方南任也陽氣任養物於時爲夏夏假也物假大乃宣平火炎上

卷一

一

禮者齊齊者平故爲衡也月令曰夏三月其日丙丁其帝炎帝其神祝融其蟲羽其數七其味苦其臭焦其祀竈祭先肺

孟夏月

禮記月令曰孟夏之月日在畢昏翼中旦婺女中律中仲呂螻螋鳴蚯蚓出王瓜生苦菜莠靡草死麥秋至

三統歷曰立夏爲四月節小滿爲四月中氣小滿者言物長於此小得盈滿

孝經緯曰穀雨後十五日斗指巽爲立夏後十
五日斗指己爲小滿後五日
周書時訓曰立夏之日螻蝈鳴後五日蚯蚓出
後五日玉瓜生小滿之日苦菜秀後五日靡草
死後五日麥秋至用事
白虎通德論曰四月律謂之仲呂何言陽氣極
將彼故復中難之也晉志云呂者助也謂陽氣
盛長陰助成功也

卷一

時畢盡而起也

夏小正曰四月昴則見

詩七月曰四月秀葍注云不榮而實曰秀葍草
也

西京雜記曰陽德用事則和氣皆陽建巳之月
是也故陽謂之正陽之月又曰四月陽雖用事
而陽不獨存此月純陽疑於無陰故謂之陰月
纂要云四月曰首夏維夏

文選注鄭玄曰四月爲除月

月令曰孟夏行秋令則苦雨數來五穀不滋四
鄙入保行冬令則草木蚤落後乃大水敗其城
郭行春令則蝗蟲爲災暴風來格秀草不實

仲夏月

月令曰仲夏之月日在東井昏亢中旦危中律
中麋賓小暑至螳蜋生鷓始鳴反舌無聲鹿角
解蟬始鳴半夏生木堇榮

孝經緯曰小滿後十五日斗指丙爲芒種後十
五日斗指午爲夏至

卷二

三

三統歷曰芒種爲五月節夏至爲五月中氣芒
種者言有芒之穀可稼種也

周書時訓曰芒種之日螳蜋生後五日鷓始鳴
後五日反舌無聲夏至之日鹿角解後五日蟬
始鳴後五日半夏生

白虎通德論曰五月律謂之蕤賓何蕤者下也
賓者敬也言陽氣上極陰氣始賓敬之也

晉樂志云五月之辰謂之午午者長也大也言
物皆長大也

夏小正曰五月參則見蜋蝸鳴初昏大火中注
云大火心星名也
詩七月曰五月鳴蜩又曰五月斯螽動股注云
蜩蟬也斯螽蜈蚣也

吳子夜四時歌曰鬱蒸仲暑月丁爲小暑
東坡詩云飛龍御月作秋涼注云謂五月也
月令曰仲夏行冬令則雹凍傷穀道路不通暴
兵來至行春令則五穀晚熟百勝時起其國乃
飢行秋令則草木零落果實早成民殃於疫

卷二

四

季夏月

月令曰季夏之月日在柳昏火中旦奎中律中
林鐘溫風始至蟋蟀居壁鷹乃學習腐草爲螢
土潤溽暑大雨時行
孝經緯曰夏至後十五日斗指丁爲小暑後十
五日斗指未爲大暑

三統歷曰小暑爲六月節大暑爲六月中氣小
暑大暑就極熱之中分爲小大月初爲小月半
爲大

周書時訓曰小暑之日溫風至後五日蟋蟀居
壁後五日鷹乃學習大暑之日腐草爲螢後五
日土潤溽暑後五日大雨時行詩音白虎通德論曰六月律謂之林鍾何林者眾也
萬物成熟種類眾多詩音晉樂志云六月之辰謂之未未者味也謂時萬
物向成有滋味也詩音夏小正曰六月鷹始摯

詩七月曰六月莎鷄振羽又云六月食鬱及藇

注云鬱棣屬藇藇藇也

纂要曰六月曰徂暑

月令曰季夏行春令則穀實鮮落國多風欬民
乃遷徙行秋令則丘隰水潦禾稼不熟乃多女
災行冬令則風寒不時鷹隼蚤鷺四鄙入保

黃梅雨

林驗

風土記夏至雨名黃梅雨霑衣服皆敗黧四時
纂要云梅熟而雨曰梅雨又閩人以立夏後逢
庚日爲入梅芒種後逢壬爲出梅農以得梅雨

乃宜耕耨故諺云梅不雨無米炊瑣碎錄又云
芒種後逢壬入梅前半月爲梅雨後半月爲時
雨遇雷電謂之斷梅數說未知孰是又陳氏手
記云梅雨水洗瘡疥滅癩痕入醬令易熟沾衣
便腐澣垢如灰汁有異他水江淮以南地氣卑
濕五月上旬連下旬尤甚梅雨壞衣當以梅葉
洗之餘並不脫杜甫詩云南京犀浦道四月熟
黃梅湛湛長江去冥冥細雨來歐陽公詩云春
寒欲盡梅黃雨東坡詩云不趁青梅嘗煮酒要
看細雨濕黃梅又云佳節連梅雨又云怕見梅
黃雨細時王維詩云梅天一雨清

送梅雨

埤雅今江湘二浙四五月間梅欲黃落則水潤
土溽柱礎皆汗蒸鬱成雨謂之梅雨自江以南
三月雨謂之迎梅五月雨謂之送梅杜甫詩云
石枕涼生菌閣虛已應梅潤入圖書

濯枝雨

風土記仲夏雨濯枝盪川注云此節常有大雨

名曰濯枝雨

畱客雨

陸機要覽昔羽山有神人焉逍遙于中嶽與左
元放共遊薊子訓所坐欲起子訓應欲畱之一
日之中三雨今呼五月三雨亦爲畱客雨

薇香雨

李賀四月詞依微香雨青氛氲膩葉蟠花照曲
門

暴凍雨

卷二

七

爾雅暴雨謂之凍郭璞注云江東呼夏月暴雨
爲凍雨離騷經云令飄風兮先驅使凍雨兮灑

塵

凍音東

海颶風

南越志熙安間多颶風颶風者具四方之風也
常以五月六月發未至時雞犬爲之不鳴國史
補云南海有颶風四面而至倒屋拔木每數年
一至鄭熊番禺雜記云颶風將發有微風細雨
先緩後急謂之鍊風又有石尤亦此之類韓文

公詩云雷威固已加颶勢仍相借又云颶風有時作掀簸真差事又云峽山逢颶風雷電助撞

摔颶音具

落梅花

風俗通五月有落梅風江南以爲信風李白詩云天長信風吹日出宿霧散

黃雀風

風土記南中六月則有東南長風至時海魚化爲黃雀故俗名黃雀風

卷一

八

麥黃水

水衡記黃河水四月名麥黃水

苳蔓水

水衡記黃河水五月名苳蔓水苳生蔓也東坡詩云河水眇緜苳蔓流

礬山水

水衡記黃河水六月名礬山水

麥熟秋

月令章句百穀各以初生爲春熟爲秋故麥以

孟夏爲秋山谷詩云生物趨功日夜流園林纔
夏麥先秋趙師民詩云麥秋晨氣潤槐夏午陰
涼

分龍節

圖經池州俗以五月二十九三十日爲分龍節
雨則多大水閩人以夏至後爲分龍雨各有方

龍生日

岳陽風土記五月十三日謂之龍生日栽竹多
茂盛又前輩作蒼筠傳曰筠每歲惟五月十三

卷一

九

日獨醉或爲人迎置它處不知也當時諺曰此
君經歲常清齋一日不齋醉如泥有時倒載過
晉地茫然乘墜俱不知宋子京種竹詩云除地
墻陰植翠筠疎枝茂葉與時新賴逢醉日終無
損正似德全于酒人晏元獻公詩云竹醉人還
醉蠶眠我亦眠又云苒苒渭濱族蕭蕭塵外姿
如能樂封植何必醉中移又東坡詩云竹是當
年醉日栽

竹迷日

筍譜民間說竹有生日卽五月十三移竹宜用
此日或陰雨土虛則鞭行明年筍篁交至一云
竹迷日栽竹年年生筍劉延世竹迷日種竹詩
云梅蒸方過有餘潤竹醉由來自古云掘地聊
栽數竿玉開簾還當一溪雲然則竹迷亦正此
日也陳簡齋種竹詩云何須俟迷日可笑世俗
情

櫻筍厨

唐輦下歲時記四月十五日自堂厨至百司厨
通謂之櫻筍厨又韓偓櫻桃詩注云秦中以三
月爲櫻筍時陳后山詩云春事無多櫻筍來又
古詞云水竹舊院落櫻筍新蔬果

臨水宴

因話錄李少師與賓僚飲宴暑月臨水以荷爲
杯滿酌密繫持近人口以筋刺之不盡則重飲
宴罷有人言昨飲大歡者公曰今日言歡則明
日之不歡無論好惡一不得言

霹靂酒

醉鄉日月暑月候大雷霆時收雨水淘米炊飯
釀酒名曰霹靂酒

寒筵冰

醉鄉日月盛夏初夏於井側安鑊以大水晶一
塊大如拳無瑕釁者以新汲水熾火煮干沸取
越瓶口小腹大者滿盛其湯以油帛密封口勿
令泄氣復以重湯煮干沸急沉井底平旦出之
破瓶冰已結矣名寒筵冰

又見村陽雜編

壬癸席

河東備錄申王取猪毛刷淨命工織以爲席清
而且涼號曰壬癸席

澄水帛

杜陽編同昌公主一日大會暑氣將甚公主令
取澄水帛以水蘸之挂於高軒滿座皆思挾纈
澄水帛長八九尺似布而細明薄可鑒云其中
有龍涎故能消暑

冰絲裯

樂府雜錄唐老子本長安富家子生計蕩盡遇

老嫗持舊裯以半千獲之有波斯人見之乃曰
此是冰蠶絲所織暑月置於座滿室清涼卽酬
萬金

消涼珠

拾遺記黑蚌珠千年一生燕昭王常懷此珠當
盛暑之月體自清涼名消暑招涼之珠

辟暑犀

提要錄唐文宗夏月延學士講易賜辟暑犀章
簡公端午帖子云已持犀辟暑更鬥草迎涼

卷二

十二

迎涼草

杜陽雜編李輔國夏於堂中設迎涼草其色類
碧而幹似苦竹葉細如杉雖若乾枯而未嘗彫
落盛暑束之窗戶間則涼風自至

白龍皮

劇談錄李德常夏日邀同列及朝士宴時畏景
赤曦咸有鬱蒸之苦旣延入小齋列坐開樽煩
暑都盡颺風涼冽如涉高秋及昏而罷出戶則
大雲烈日熯然焦灼有好事者求親信問之云

此日以金盆貯水漬白龍皮置於座末龍皮者
新羅僧得之海中

犀如意

楊妃外傳唐元宗夏月授楊妃卻暑犀如意

灑皮扇

開元遺事王元寶都中巨豪也家有皮扇制作
甚精寶每暑月宴客卽以此扇置於座前以新
水灑之則颯然風生酒筵之間客有寒色遂命
撤去明皇亦曾差中使取看愛而不受曰此龍

卷一

十三

皮扇也

服丸散

抱樸子曰或問不熱之道曰服玄冰丸飛雪散
王仲都等用此方也劉孝威苦暑詩云元冰術
難驗赤道漏猶長

環爐火

桓子新論元帝被病廣求方士漢中逸人王仲
都者詔問所能爲對曰但能忍寒暑耳因爲待
詔至夏大暑日使暴坐又環以十爐火不言熱

而身汗不出

入寒泉

括地圖天毒國最大暑熱夏草木皆乾死民善
沒水以避日遇暑時常入寒泉之下

激涼風

唐書拂林國盛暑之節乃引水潛流上通於屋
宇機制於巧匠人莫之知觀者唯於屋上聞泉
鳴俄見四檐飛溜懸波如瀑激氣成涼風

沒水底

卷二

古

抱樸子葛洪從祖僊公每大醉及夏天盛熱輒
入水底入日乃出正以能閉氣胎息耳

開七井

雲林異景志霍仙鳴別墅在龍門一室之中開
七井皆以雕鏤盤覆之夏月坐其上七井生涼
不知暑氣

乘小駟

開元雜記玄宗幸洛至綉嶺宮時屬炎暑上曰
姚崇多計令力士探之回奏曰崇方衫絺乘小

馴按轡木陰上乃命馴頓忘繁溲

臥北窗

晉書陶潛字淵明謚靖節先生嘗言夏月虛閑
高臥北窗之下清風飈至自謂羲皇上人東坡
詩云一枕清風值萬錢無人肯買北窗眠又云
只應陶靖節會買北窗眠又云北窗仙人臥羲
軒又云北窗高臥等羲炎

書新裙

南史羊欣字敬元長於隸書父不疑爲烏程令
欣時十五王獻之爲吳興守甚知愛之嘗夏月
入縣欣著新練裙晝寢獻之書裙數幅而去欣
本改書因此彌善東坡詩云載酒無人歌子雲
掩門晝臥客書裙翟公遜睡鄉賦云客書裙而
滿幅

作夏課

南部新書長安舉子落第者六月後不出謂之
過夏多借清淨廟院作文章曰夏課時語曰槐
花黃舉子忙又見秦中記遜齋閒覽云謂槐之方花

乃進士赴舉之日也唐翁承贊詩云雨中裝點
望中黃勾引蟬聲送夕陽憶得當年隨計吏馬
蹄終日爲君忙又稼軒詞云明年此日青雲路
卻笑人間舉子忙

逐樹陰

北齊書僕射魏收字伯起初習武不成改節讀
書夏日坐板牀隨逐樹陰諷讀累年牀爲之銳
遂工辭令也

練螢囊

晉陽秋車胤字武子家貧讀書不常得油夏月
則以練囊盛數十螢以夜繼日

頰冰雪

止戈集長安冰雪至夏月則價等金璧每頰冰
雪論筐不復償價日日如是

賜朱櫻

唐史李適爲學士見天子饗會遊豫唯宰相及
學上得從夏宴蒲萄園賜朱櫻

獻雪瓜

唐列傳明崇儼以奇技自名高宗召見甚悅盛
夏帝思瓜崇儼坐頃取以進自云往陰山取之
四月帝憶瓜崇儼索百錢須臾以瓜獻曰得之
緱氏老人圃中帝召老人問故曰埋一瓜失之
土中得百錢

沈瓜李

魏文帝與吳質書浮甘瓜于清泉沉朱李于寒
水杜詩云翠瓜碧李沉玉甃注云玉甃井也

賦杞菊

提要錄陸龜蒙自號天隨子常食杞菊及夏月
枝葉老硬氣味苦澁猶食不已因作杞菊賦以
自廣云爾杞未棘爾菊未莎其如余何東坡詩
云飢寒天隨子杞菊自擷萋

調寢餽

攝生月令四月爲乾萬物以成天地化生勿冒
極熱勿大汗後當風勿暴露星宿以成惡疾勿
食大蒜勿食生薤勿食雞肉蛇蟻是月肝藏以
病神氣不行火氣漸臨水力漸衰稍補腎助肝

調和胃氣無失其時

埋蠶沙

河圖四月收蠶沙於宅內亥地埋之令人大富得蠶又甲子日以一碩三斛鎮宅令家財千萬

求蛇醫

蛇醫卽蜥蜴也

酉陽雜俎王彥威鎮汴地之二年夏旱季玘過汴因以旱爲言季醉曰欲雨甚易可求蛇醫四頭石甕二枚每甕實水浮二蛇醫以木爲蓋密泥之置于閒處甕前後設席燒香選小兒十歲

卷一

十一

以下十餘人令執小青竹晝夜更擊其甕不得少輟王如其言試之一日兩夜雨大注數百里舊說龍與蛇醫爲親家焉又張師正倦游錄云熙甯中京師久旱按古法令坊巷以甕貯水插柳枝泛蜥蜴小兒呼曰蜥蜴蜥蜴興雲吐霧降雨滂沱放汝歸去翰府名談云宋內翰祁鎮鄭州夏旱公文祭蜥蜴於祈所卽時大雨告足民乃有秋東坡詩云甕中蜥蜴爲可笑

占蝗旱

四時纂要四時辰雨皆爲蝗蟲大雨大蟲小雨
小蟲二日雨百草旱五穀不成三日雨小旱風
從西來麻吉四日雨五穀貴五日六日雨有旱
處四日至七日風者大豆吉八日微雨熟俗云
又日雨斑闌高低田可憐此月自一日至十四
日惡風者皆不可種豆

歲時廣記卷第二

卷二

九



歲時廣記卷第三 十五日斗指坤為立秋後十

天賦誠靈豐廣寒僂裔陳 元覲 編

中秋中夷照成風至白露降寒蟬鳴鷹乃祭鳥

禮記鄉飲酒曰西方曰秋秋之為言愁也愁

之以時察守義者也太玄經曰秋者物皆成

象而聚也管子曰秋者陰氣始下故萬物收

說文曰秋禾穀熟也淮南子曰秋為矩矩者

所以方萬物也前漢律歷志曰少陰者西方

西遷也陰炁遷落物也於時為秋秋韞也物

卷二

一

韞斂乃成熟金從革也改更義者成成者方故

為矩月令曰秋三月其日庚辛其帝少皞其

神蓐收其蟲毛其音商其數九其味辛其臭

羶其祀門祭先肝韞子由反

孟秋月

禮記月令曰孟秋之月日在翼昏建星中旦畢

中律中夷則涼風至白露降寒蟬鳴鷹乃祭鳥

天地始肅農乃登穀

孝經緯曰大暑後十五日斗指坤為立秋後十

五日斗指申爲處暑風高燥靈雲火激
三統歷曰立秋爲七月節處暑爲七月中氣處暑者謂暑將過伏而潛處也

周書時訓曰立秋之日涼風至後五日白露降後五日寒蜩鳴涼風不至國無嚴政白露不降民多致病寒蜩不鳴人臣力爭處暑之日鷹乃祭鳥後五日天地始肅後五日農乃登穀白虎通德論曰七月律謂之夷則何夷傷則法也言萬物始傷被刑法也歐陽公秋聲賦云其

卷二

二

爲樂也商聲主西方之音夷則爲七月之律商傷也物旣老而悲傷夷戮也物旣盛而當殺晉樂志曰七月之辰謂之申申者身也言時萬物身體皆成就也

夏小正曰七月獍子肇肆肇始也肆遂也言其始遂也

詩七月曰七月流火又曰七月鳴鶉又曰七月烹葵及菽又曰七月食瓜注云流下也火大火也李白詩云火落金風高謝靈運詩云火逝首

秋節七命云龍火西頽
提要錄曰七月爲蘭月
纂要曰七月爲首秋上秋蘭秋肇秋
月令曰孟秋行冬令則陰沍大勝介蟲敗穀戎
兵乃來行春令則其國乃旱陽氣復還五穀無
實行夏令則國多火災寒熱不節民多瘧疾

仲秋月

月令曰仲秋之月日在角昏牽牛中旦觜觶中
律中南呂盲風至鴻雁來立烏歸羣鳥養羞日

卷三

三

夜分雷乃收聲蟄蟲坯戶殺氣浸盛陽氣日衰
水始涸
孝經緯曰處暑後十五日斗指庚爲白露後十
五日斗指酉爲秋分
三統歷曰白露爲八月節秋分爲八月中氣白
露者陰沍漸重露濃色白
周書時訓曰白露之日鴻雁來後五日立烏歸
後五日羣鳥養羞鴻雁不來遠人背叛立烏不
歸室家離散羣鳥不羞臣下驕慢秋分之日雷

乃始收後五日蟄蟲坯戶後五日水始涸雷不始收聲諸侯淫泆蟄蟲不坯戶民靡有賴水不始涸介蟲爲害

白虎通德論曰八月律謂之南呂何南者任也言陽氣尙有任生齊麥也故陰拒之也

晉樂志曰八月之辰謂之酉酉者緝也謂時物皆緝縮也

夏小正曰八月辰則伏丹鳥羞白鳥白鳥蚊蚋也崔豹古今註云螢火一名丹鳥腐草化之羞

卷二

四

進也謂食蚊蚋也

詩七月曰八月萑葦又曰八月載績又曰八月其穫又曰八月剝棗又曰八月斷壺註云亂爲萑葦爲葭載績者絲事畢而麻事起其穫者禾可穫也剝擊也壺瓠也

提要錄曰八月爲桂月
纂要錄曰八月曰仲商

月令曰仲秋行春令則秋雨不降草木生榮國乃有恐行夏令則其國乃旱蟄蟲不藏五穀復

生行冬令則風災數起收雷先行草木蚤死

季秋月

月令季秋之月日在房昏虛中旦柳中律中無射鴻雁來賓雀入大水爲蛤菊有黃華豺乃祭獸戮禽草木黃落蟄蟲咸俯在內皆墜其戶
孝經緯曰秋分後十五日斗指辛爲寒露後十五日斗指戌爲霜降
三統歷曰寒露爲九月節霜降爲九月中氣寒露者言露氣寒將欲凝結

卷二

五

周書時訓曰寒露之日鴻雁來賓後五日雀入大水爲蛤後五日菊有黃華霜降之日豺祭獸後五日草木黃落後五日蟄蟲咸俯

白虎通德論曰九月謂之無射何射者終也言萬物隨陽而終也

晉樂志曰九月之辰謂之戌戌者滅也謂時物皆衰滅也

夏小正曰九月內火注云大火心星也

詩七月曰九月授衣又曰九月叔苴又曰九月

滌場圃又曰九月肅霜注云叔拾也苴麻子也
肅縮也霜降而收縮萬物也

國語曰至于亥月注云九月爲亥月范蠡曰王
姑待至於亥月漢韓明府修孔子廟器表碑曰
永壽二年霜月之靈說者疑是九月

提要錄曰九月爲菊月

纂要曰九月曰暮秋末秋季商杪秋亦曰霜辰
亦曰授衣

月令曰季秋行夏令則其國大水冬藏殃敗民
多勲噓行冬令則國多盜賊邊境不甯土地分
裂行春令則煖風來至民氣懈惰師興不居

仙掌露

前漢班固傳武帝建章宮露盤上有仙人掌承
露和玉屑飲之金莖銅柱也神農本草云繁露
水是秋露繁濃時也作盤以收之煎令稠可食
之延年不飢漢武帝時東方朔得立黃青露各
盛五合帝賜羣臣老者皆少病者皆除東方朔
曰曰初出處露皆如糖可食後武帝立金莖作

仙人掌承露盤取雲表之露服食之以求仙文
選孟堅西都賦云抗仙掌以承露擢雙立之金
莖張平子西京賦云承雲表之清露

青女霜

淮南子秋三月氣不藏百蟲蟄青女乃出以降
霜雪注云青女乃天神青腰玉女主霜雪也杜
甫詩云飛霜任青女賜被隔南宮山谷詩云姮
娥攜青女一笑粲萬瓦李商隱詩云青女素娥
俱耐冷月中霜裏門嬋娟呂夷簡詩云花愁青

卷二

七

女再飛霜

蓼花風

月令章句仲秋白露節育風至鄭玄云疾風也
秦人謂之蓼花風梁文帝初秋詩云育風度函
谷墜露下芳枝

裂葉風

洞冥記裂葉風乃八月節也

離合風

陸機要覽列子御風而行常以立春歸於入荒

立秋日遊於風穴風至則草木皆生去則草木
搖落謂之離合風六不賦好韓文公詩

鯉魚風

提要錄鯉魚風乃九月風也李賀詩云樓前流
水江陵道鯉魚風起芙蓉老又古詞云瑞霞成
綺映舴艋棹輕鯉魚狂風起

黃雀雨

提要錄九月雨爲黃雀雨羅鄂州詞云九月江
南秋色黃雀雨鯉魚風

卷二

荳花雨

荆楚歲時記荳花雨乃八月雨也

荻苗水

水衡記黃河水七八月名荻苗水荻花正開也

登高水

水衡記黃河水九月名登高水

一葉落

淮南子一葉落而天下知秋韓文公詩云淮南
悲葉落今我亦傷秋唐人詩云山僧不解數甲

子一葉落知天下秋韋蘇州詩云新秋一葉落
草木衰

文選宋玉九辨悲哉秋之氣也皇天平分四時
兮竊獨悲此凜秋蕭瑟兮草木搖落而變衰汶
寥兮天高而氣清寂寥兮收潦而水清僚慄兮
若在遠行李白詩云深秋宋玉悲老杜詩云搖
落深知宋玉悲又云清秋宋玉悲陳簡齋詩云
宋玉有文悲落葉

警鶴鳴

卷二

九

風土記鳴鶴戒露白鶴也此鳥性警至入月白
露降卽鳴而相警東坡詩云由來警露雀

石鴈飛

南康記平固縣覆笥山上有湖中有石鴈浮于
湖上每至秋飛鳴如候時也

鰕魚肥

海錄碎事棟木華而石首至秋風起而鰕魚肥

蟋蟀吟

天寶遺事每秋時宮中妃妾以小金籠閉蟋蟀

置枕函畔夜聽其聲時民間爭倣之

親燈火

昌黎文韓退之送子阿符讀書城南詩云時秋積雨霽新涼入郊墟燈火稍可親簡編可卷舒

圍棋局

西京雜記戚夫人侍兒賈佩蘭言宮中八月四日出雕房北戶竹下圍碁勝者終年有福負者終年多病取絲縷就北辰星下求長命乃免

秋菊酒

唐書李適爲學士凡天子饗會游豫唯宰相及學士得從秋登慈恩浮圖獻菊花酒稱壽

思蓴鱸

晉文苑傳張翰字季鷹吳郡人爲齊王罔東曹掾見秋風起思吳中菰米蓴羹鱸魚膾嘆云人生貴得適志何能羈宦數百里外以要名爵乎乃嘆云秋風起兮木葉飛吳江水清鱸魚肥遂命駕而歸後齊王敗人皆謂之見機又海物異名記云江南人作鱸名郎官鱸言因張翰得名

東坡詩云浮世功名食與眠季鷹直得水中仙
不須更說知機早直爲鱸魚也自賢又送人歸
吳有詞云更有鱸魚堪切鱸山谷詩云東歸止
爲鱸魚鱸未敢知言許季鷹王荆公詩云慷慨
秋風起悲歌不爲鱸

收兔毫

墨藪筆取崇山絕仞中兔毛八九月收之筆頭
長一寸管長五寸鋒齊腰彊者揮襟作之屈曲
眞草皆須盡一身之力而送之

卷二

十一

驗美玉

地鏡經八月中草木獨有葉枝下垂者必有美
玉又云八月後草木死者亦有玉

點艾枝

文昌雜錄唐歲時節物八月一日有點艾枝盧
公範饋餉儀云點炙枝以梨枝爲之反銀盞中
有硃砂銀枝子也

厭兒疾

荆楚歲時記八月十日酒民以朱點小兒頭名

爲天灸以厭疾也

取柏露

續齊諧記鄧紹入月朝入華山見一童子以五
綵囊承取柏葉上露皆如珠子且云赤松先生
取以明目今人八月朝作眼明袋是也又荆楚
歲時記云四民並以錦綵爲眼明囊云赤松子
以八月囊承柏樹露爲宜眼後世以金箔爲之
遞相餉遺

結絲囊

卷三

十一

隋唐嘉話八月五日明皇生辰號千秋節王公
戚里進金鏡土庶結承露絲囊相遺述征記云
八月作五明囊盛百草露以洗眼

登南樓

晉史庾亮傳亮鎮武昌諸佐史殷浩之徒秋夜
乘月共登南樓俄而亮至諸人將起避之亮徐
曰諸君小住老子於此興復不淺便據胡牀與
浩等談詠竟夕其坦率如此陶侃曰亮非惟風
流更有爲政之實也老杜詩云月靜庾公樓

懷故里

提要錄王粲觀秋月懷弟妹故里而傷神老杜詩云曉鶯工迸泪秋月解傷神注云春鶯秋月人所賞翫而鶯所工者在于迸人之淚月所解者在于傷神之人蓋亂離疾病之所感也

悲遊子

梁史江淹過灞陵秋深葉脫乃嘆曰何限風物寥落祇悲遊子故園之思老杜詩云風物悲遊子江山憶故人

卷三

十三

歎謫仙

文粹李白秋興歌我覺秋興逸誰云秋興悲賀知章見之曰是子謫仙人也

賞白蓮

天寶遺事明皇八月太液池有千葉白蓮數枝盛開帝與貴戚宴賞左右皆嘆羨久之帝指貴妃示左右爭如我解語花古詞云翠蓋盈盈紅粉面葉底荷花解語

水晶宮

漁隱叢話吳興謂之水晶宮而不載之圖經惟
吳興集有之刺史楊漢公九月十五日夜絕句
云江南地暖少嚴風九月炎涼正得中溪上玉
樓樓上月清光合在水晶宮疑因此而得名也

歲時廣記卷第三

卷三

西

